

Komentar Visokog predstavnika u vezi konacnih izbornih rezultata

Nakon objavljivanja konacnih rezultata općinskih izbora 2000. godine, Visoki predstavnik Wolfgang Petritsch bi želio čestitati građanima Bosne i Hercegovine i organima nadležnim za provođenje izbora na hvala vrijednom načinu na koji je provedena ova ključna vježba iz demokratije.

Sve ukazuje na to da se građani Bosne i Hercegovine polako udaljavaju od starih ratnih političkih programa u kojima je pripadnost naciji bila dominantna, i da se okreću ka onim političkim strankama koje se bave pitanjima od svakodnevnog značaja za građane, kao što su stambena problematika, obrazovanje, sigurnost i zapošljavanje.

Kao rezultat toga, danas je u općinskim vijećima prisutan daleko širi spektar različitih političkih opcija. Pluralizam uvijek predstavlja siguran znak sazrijevanja demokratije, što je po mišljenju Visokog predstavnika veoma ohrabrujuće.

SDP, moderna multietnička stranka, je kod bosnjackog biračkog tijela u mnogim gradovima u Federaciji značajno napredovala, što OHR toplo pozdravlja.

HDZ je postigao dobar uspjeh kod hrvatskog biračkog tijela, no dramatičan pad u odazivu glasača u tim oblastima ukazuje na opće nezadovoljstvo politikom vladajuće stranke.

U Republici Srpskoj, alternativne stranke poput PDP-a su također postigle zapažen uspjeh, doprinoseći raznovrsnosti ukupne političke scene, dok SDS, i pored isključenja Srpske radikalne stranke, nije dobio onoliko glasova koliko je očekivao.

Sve ovo ukazuje na to da su građani Bosne i Hercegovine zaista odgovorili na apel međunarodne zajednice da "glasaju za promjene". Visoki predstavnik izražava nadu da će oni glasati za još značajnije promjene na predstojećim općim i predsjedničkim izborima.